

Guangjisi Minzcu Bau

ganhhau: CN45-0036 B.2013 Nd.4 Ng.3 liggaueq gveiqceih nienz ndwenngieih ngeihsam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3067期

Dwzbaui Yen Roengz Ngaenz Laux Fazcanj Minzcu Vwnzva Saehnieb

德保县投巨资发展民族文化事业

Bi' gvaq, Dwzbaui Yen dawz fazcanj minzcu vwnzva saehnieb dangguh hangh minzswnggh gungh-cwngz cungyau he daeuj ca ndei, gyadaih ligdoh gensez gij gihcu sezsih vwnzva minzcu, daengx bi gungh roengz cienngaenz 1.456 ik maenz gensez gizdieg vunz lai guh vwnzva hozdung, ndawde roengz 8800 fanh maenz hwnjguh Bouxcuengh Nyen-ndokmax yisuz beizyin cungsim; roengz 1250 fanh maenz, guhbaenz

aen Fanghsan vwnzva gunghyenz comz miz minzcu fungcingz nem vwnzyiz dijuz hozdung haenx; roengz 4000 fanh maenz gensez aen vwnzyiz dijuz gvanj ndaej hawj 6000 lai bouxyawj naengh haenx; roengz 300 fanh maenz, guhbaenz 10 aen mbanj gaep ginzcu vwnzva hozdung canzsoj; roengz 110 fanh maenz, guhbaenz 5 aen ranzaw nungzgyah moq. Doengzseiz, vanzlij roengz 100 fanh maenz bangfuz gij vwnzyi donzdij

ndawbiengz gaihanj Heiqcuengh Baihnanz swncienz hozdung, cujiz daengx yienh 35 aen yezyiz vwnzyi donzdui ndawbiengz roengz lajmbanj yienjok 421 ciengz, bouxyawj gungh miz 28 fanh vunzbaez.

Doenggvaq gyadaih gensez vwnzva gihcu sezsih, roengz cienz rengz doihaeuj dangdieg minzcu vwnzva saehnieb fazcanj, mizyauq coicaenh aen yienh neix sevei huzndei onjdingh. (Nungz Yungifang)

SIUSIK DINJ

简讯

● Daj bi' gvaq daeuj, Nazboh Yen caenh' itbough doihaeuj hong gensez 10 fanh moux gocuk canjyez gihdi. Daengz 3 nyied 15 hauh, aen yienh neix gaeng roengz gij ngaenz fazcanj 481.6 fanh maenz, ndaem liux 16416 moux faexcuk, ndawde rangh sifan dajndaem menciz 10488.1 moux, nungzhoh dajndaem 5927.9 moux.

(Vangz Bizvaz Liengz Yenjvaz)

● Bi' gvaq, Cauhbingz Yen caizcwng ceiok youq minzswnggh saehnieb haenx miz 11.8 ik maenz, ciemq gunghgung caizcwng yawh-suenq ceiok 79.73%. Aen yienh neix aeu fazcanj hawj vunz lai souh' ik, mboujduenh daezsang gij cizlieng saedceij vunz lai, hawj vunz lai engq vuenyungz, souh' ik engq lai. (Lij Hau Hoz Dauh)

● Bi' gvaq, Yinhcwngz Yen gij cienngaenz fazcanj saujsu minzcu 48 fanh maenz yungh daeuj youq mbanj gungzhoj guh gij roen mbanj gaep, gungh guh nem coih roensuijniz 2900 mij, vih 3500 lai boux ginzcu saujsu minzcu gajgez aen vwndiz byaij roen hoj haenx. (Veiz Meijyangh)

● Bi' gvaq, Ningzmingz Yen nyinhcaenh gaihanj "cihsiz gunghcwngz" hozdung nem "ranzaw nungzgyah" gunghcwngz gensez, gungh fat saw 20593 lai bonj, fat gak loih senhconzdanh 1000 lai mbaw, hawj vunz lai lajmbanj gyaenz doegsaw, ndaej doeg saw ndei.

(Couh Yizganh Ganh Yingj)

● Daj Dangj Cibbet Daih daeuj, Bingzgoj Yen lai cwngzsw, lai hingzik guh senhconz, dawz Dangj Cibbet Daih cingsaenz cienz doh gak mbanj saujsu minzcu. Ciuq gyoepsuenq, daengx yienh gungh cujiz gawjbanh gak loih beizyinbanh 96 geiz, camgya beizyin 10000 lai vunz, gawjbanh senhgyangj baugau 56 ciengz, boux daengz yienhciegz dingq haenx miz 60000 lai vunz, cujiz Fwenleux vwnzyi yienjok 13 ciengz, bouxyawj miz 100000 lai vunz.

(Cinz Siuengh)

隆林各族自治县成立60周年庆祝大会 1953 — 2013



Lungzlinz Gak Cuz Swciyen Hai Daihhoih Angqhoh Laebbaenz 60 Hopbi

隆林各族自治县举行成立60周年庆祝大会

Bonjbauq siusik(gicej Dangz Lungz) 3 nyied 28 hauh banhaet, Lungzlinz Gak Cuz Swciyen laebbaenz 60 hopbi angqhoh daihhoih youq ndaw yienh vwnzva dijuz gvangjangz gawjhegz. Daengx Guek Yinzda Minzveij, Guekgya Minzveij angqhoh duenz, swcigih daihyaujdonz. Bwzswz Si daihyaujdonz daengz daengz yienhciegz angqhoh. Aen yienh neix gak cuz ginzcu daenj ndangdaenj minzcu gig moq gig ndeiawj, ciengqgo diuqfoux, sim angq naj riu dwk angqoux gak aen angqhoh duenz nem hekndei. Ngoenzhaenx, daihhoih yienhciegz vunz cien vunz fanh, vunz lai doq ciengq doq diuq, nauhyied dangqmaz. Ndaw doz dwg angqhoh daihhoih yienhciegz.

Fuconh: "Mbungqmbaj Cienz Go" Baijyienj Vwnzva Yauzcuz

富川: "蝴蝶飞歌"演绎瑶乡文化

Vih gvancez lozsiz Dangj Cibbet Daih cingsaenz, hawj ginzcu mbanj Yauzcuz gij vwnzva swngghoz fungfouq hwnjdaej, doidoengh vwnzva minzcu daih fazcanj, daih fanzyungz, Fuconh Yauzcuz Swciyen gaengawq "go mbungqmbaj Yauzcuz" aen guekgya gaep feihvuzciz vwnzva yizcanj neix, gawjbanh "mbungqmbaj

cienz go" gvangjangz vwnzyi yienjok hozdung. Aen hozdung neix daj 3 nyied daengz 12 nyied, moix ndaw anbaiz 1 daengz 2 aen yanghcin youq ndaw yienhsingz Suigvanghyenz yienjok. Gij yienjok neix hingzik lai, miz gofoux, siujbinj, siengsingh, sam coenz buenq, gizey, giyoiz daengj. Aen hozdung neix sawj vunz lai ndaw

yienh caenh' itbough roxyiuj vwnzva conzduj Yauzcuz, engq ndei swncienz nem fazyangz vwnzva conzduj Yauzcuz maenhndei, hawj minzcu dem saenqsim, vih ciepcoux swciyen laebbaenz 30 hopbi cauxguh aen fwnveiz vwnzva ndei haenx.

(Dwng Vangzyi)